



Diario

E MATUTINO DI ARUBA

Awe
mainta
informador
Oduber lo
combersa
cu A.V.P.

DIALUNA 16 JANUARI 1989 ABONADO PA LUNA 15.00 FLS* PA EJEMPLAR 0,60* AÑA 8/No. 2979



ORANJESTAD(AAN) Ayeranochi den Club Bonaire e cantante mas favorito pa e roadmarch King Juvenil tabata Giovanni Trimp. Su nomber artistico Mighty Dancer a conquista e publico presente cu e Roadmarch Here she jamming.

MIGHTY TALENT CALYPSO Y ROADMARCH KING 1989



Mighty Talent Calypso y Roadmarch King 1989



ORANJESTAD (AAN) Bonaire Club a resulta mucho chiquito pa e cantidad grandi di hende cu a presenta ayera tardi y anochi pa e concurso di roadmarch di mucha y mes ora su tras e continuacion di calypso y roadmarch contest di e grandinan.

Mas o menos 4 mil hende a aglomera na Bonaire club ariba cancha di bala pa goza di un anochi resonante di ritmo y



alegria.

Seis joven a participa den e concurso di calypso infantil y tabata Mighty Heads, Kenneth Meyers cu a bay cu e titulo cu su Wild Mad and Crazy.

Mighty Eagle Villamizar John Hassell cu su San Nicolas a termina segundo y na tercer lugar a termina Peruchio Jack Mighty Marvelous cu Knockout.

Den e juvenilnan, caminda a participa 9 cantante, prome lugar a bay pa e cantante mas popular despues di a presenta su cancion y cu tabata gran favorito e momento ey, Giovanni Trim.

Mighty Dancer, tabata su nomber di cantante y el a canta e roadmarch "Here she jamming".

Na segundo lugar a termina Arlene Beyde, Queen Arlene. cu We Carnaval, y tabata fuerte mes, mientras cu na tercer lugar a termina Kenneth Meyers, Mighty Dumbo, cu Ay, ay ay, oy, oy oy.

E nivel di e roadmarchanan aki te na e momento ey tabata mihor cu esun di e grandinan di diaviera anochi.

Pero e cambio a bini cu continuacion di e concurso di e grandinan y aki ta unda e contest di calypso y roadmarch di e aña aki a sinta.

The Tropics a baha fuerte cu King George, Mighty Jaocel, Stinger y Lord Value.



Tabata Mighty Jaocel cu a pone publico bira loco cu su roadmarch Dutch Coro cu "zagen zagen" den dje y a bira gran favorito pa gana.

Su calypso tambe Kind of Friends tabata gran favorito tambe pa competi cu e otronan.

E cambio a bini cu Mighty Talent cu a ser acompaña pa Reach.

El a domina e publico completo cu su show y presentacion di su calypso, y despues cu su roadmarch.

Aki tabata sigur caba cu e ta duna tur e otronan dolor di cabez.

Finalmente Cachete a termina na di 5 lugar, Nacio na di cuatro lugar, Young Quick Silver na tercer lugar, Jaocel na segundo

puesto y ganador a resulta Mighty Talent, un biaha rey di calypso, cu su calypso Shut up your mouth.

Den roadmarch, na di cinco lugar a termina Papito, na di cuatro lugar King Crown, na di tres lugar Long Roy, na segundo lugar Jaocel y como rey di Roadmarch, un biaha mas Mighty Talent cu su Carnival come again.

